

## ایلوپنہ خاتیا

2 میکوپنہ

خزم: استاد رفیق بلوچ  
(عمغور حیات)

3 میکوپنہ

سفر نامہ: سندھانا سائل (گڈ کیونٹ)  
(وحید ہراز، بیسیمہ)

4 میکوپنہ

احوال سفر: ای امریکہء خٹا (21)  
(عنایت مینگل)

5 میکوپنہ

افسانہ: پین ناچنا  
(جلال آل احمد / مہروان داد)

6 میکوپنہ

خزم: ہمت ناچیدہ  
(حمید عزیز آبادی)

7 میکوپنہ

افسانہ: سیم تا گواچی مروک آ بندغ آک  
(شاہ فیصل بلوچ)

بوگ شوگ: موالی ناسگریٹ

(ڈاکٹر محبوب شاہ)

8 میکوپنہ

کسہ: زندانا سفر  
(میر احمد شاکر)

ہفتئی

All About #Brahui

کوئٹہ

براہوئی نابابت  
براہوئی ٹی

# تالار



اُستاد رفیق بلوچ — سُروسازانا مسافر  
(24 اپریل 1963ء - 26 اکتوبر 2025ء)

بلوچ موسیقی ناچنی آاز مکار اُستاد رفیق بلوچ نا انا گت  
کزیت ازم، از مکاری، دودر بیدہ تون تعلقدار کل پیہ  
غائے ارمانی کرے۔ اوتینا جٹا غاؤ، از مکاری چاہنداری  
و انسان دوستی نا سوب آن نئے بیرہ بلوچستان بلکن  
بلوچستان آن پیشن ہم، خاص وڈاٹ بحیثیت "مینیو  
ماسٹر"، اسہ یکتا و پیدوار پچاراس جوڑ کر یس۔

پروفیسر نوشین قبرانی نارواٹ "اُستاد رفیق بلوچ تینا بھلن  
ہلپنگ، مہر، و ملوک آ مون انا سوب آن ہر بندغ آ  
دوست کس۔ اونا سنگت آک پارہ کہ اوچ گھس غاؤ کتو کہ،  
بلکن مدام زندہ بختندہ اٹ تیر کریکہ۔ سفر اٹ مروس یا  
دودا سے ٹی، او سنگت آتانیام اٹ یادگار انگا کسہ غائے  
ہنقیہ و نا کوتا نکا مسکہ۔ اونا ساڑی گری ہر محفل ۶ روشنا و ہر  
ساہت ۶ زبا دآن ٹپ کریکہ۔"

اُستاد رفیق بلوچ تینا زندہ بلوچ روایتی ساز "مینیو" ناشون  
تنگ ناچن آ کر یس، او ہومونہ از مکار آتین کس، ہرا فک

ہینکار و شوکار عبدالحمید قلات پرنٹرز ٹیل روڈ کونڈ خان ہینک کرسا 302  
فیور 1 پونیورسل کمپلیکس جناح روڈ کونڈ خان تالان کرے

## اُستاد رفیق بلوچ

.....اولیکو پیہ خان برجاء

اُستاد رفیق بلوچ بھار خوش تب، سدا بہار و مدام ملوک آمون اتون ساڑی اُستاد رفیق بلوچ نا ہر محفل جو، کسہ، و است پچوک آ واقعہ غایتاں خُپ مسکہ، ای ہر اتم اوٹون تون ملاش، تو مدام فرمائش کرسا اونا کسہ و لطیفہ جاتے بٹکے۔ خوش بختی نا ہیبت اسے کہ اونا گڈیکو میوزیکل پرفارمنس غازی یونیورسٹی ڈیرہ غازی خان اٹی کس، ہرانا بنگلگ کنا کلمک اٹ مس، دا پروگرام ناسہ آرگنائزر اس، طارق عزیز بلوچ کن تون حوال کرے، کافرئس اٹی کل صوبہ غایتان ازمکار آک بنگلگ انگاسر، بلوچستان آن اُستاد رفیق بلوچ و لیاقت پارکوٹی ۽ بنگلگ انگ پانچانگ۔

ہر اتم ای اُستاد رفیق بلوچ تون حوال کریت تو اولوک آمون اتون اڈ کرے۔ مڑوٹی او پارے کہ طب انا جوان مفتنگ نا سوب آن تخیا سفرنگنگ کپہ۔ ای اودے پاریت کہ لیاقت مراد پارکوٹی نے تون ٹڈ مریک، تو او پارے گڑا ٹھیک ۽۔

گڑا او پروگرام اٹ شیخ ہلک، نن پروگرام اٹی اسپجائسن، اسپن ننا کوئٹہ خان ڈیرہ غازی خان اسکان نا ٹرانسپورٹ جٹائس، اُستاد تینا میوزیکل ٹیم و چاپ کروک آتتون نن آن مست اوڑے سر موسس۔ اولیکون نارغ آ اوٹون مجلس مس۔ تو او پارے کہ منہ دے مست اسہ برام اسے نا دوداسے کن ڈیرہ غازی خان آ بسٹ۔ پارے کہ داڑے پروگرام آن اسہ نن اس مست طب تے خراب مسنے، ولے ڈاکٹر آتے ہر فنگ آن پداو پروگرام اٹ شیخ ہلک۔ ہندا وڑ او ہرانگ کہ ہنوس، تینا چنکا ماروشا گردیا سر رفیق ۽ ہم اواردریکہ۔ او ہائی بلڈ پریشر نا نا جوڑا اس کسکہ، و منہ وخت مست جوان منہ دے ہسپتال اٹ موسس۔



موسیقی اونا شوق، جنون دروزگارنا وسیلہ ہم نسکہ، گڑا نا جوڑی آن پد ہم اودے ہراڑے کہ پروگرام اسے کن بنگلوسر، او ہنا کہ۔ ڈیرہ غازی خان نا غازی یونیورسٹی اٹی اڈ ہلک بین الصوبائی ہم آہنگی کونشن اٹی تینا شانی آپرفارمنس آکراٹی لورالائی نا جوک آ اونا طب انا گت خراب مس، اودے دمستی طبی مک فروان کنگا، و کوئٹہ غاسر کنگا۔ ایران کوئٹہ ناسہ پرائیویٹ ہسپتال اسے ٹی درمان مس، ولے ارمان کہ اودنیاء الا۔

او بلوچستان نا پنی آ ازمکار نور محمد نرول، محمد علی، اختر چنال، رحیم بخش ناز بلوچ، خانصا و جے کمار، اُستاد جیرل میرالی، ممتاز لاشاری، شمن علی میرالی، حضور بخش مستانہ، عظیم جان محمد شہی، مراد پارکوٹی،

**All About #Brahui**

- \* Online Brahui Books
- \* Interviews
- \* News
- \* Novels
- \* Poetries
- \* Short Stories
- .....And more

برابھوئی نابابت  
برابھوئی تھی

www.talarbrahui.com

### .....غنمخوار حیات

باسط زبیب، سیف جان، وسیم عالم، ہدایت فراز، ندیم عالم، مالک فراز، عبید سحر، شاہ سال وایلو قتمون اوار ریڈیو، ٹی وی و بے کچ ملکی ودرملکی (امارات، دبئی، قطر، ابوظہبی، بحرین، مسقط دئے) تینی کنسرٹ آتینی پرفارم کرے۔

2007ء اٹی قطر فیٹیول اٹی اختر چنال، عزیز بلوچ، رحیم بخش ناز بلوچ، مراد پارکوٹی و عظیم جان محمد شہی تون اوار پرفارم کرسا بلوچستان نا نمائندگی ۽ کرے۔

1997ء آن اسلام آباد نا لوک ورثہ میلہ



تینی ہم او پد ریسہ بلوچستان نا نمائندگی ۽ کرسا کرینے۔ اُستاد رفیق بلوچ پنی آ کلاسیکل میوزیکل انسٹرومنٹ "بنجو" نا چاہندار اس کس، ہرا بلوچ موسیقی نا پچا و چیدہ تگنگ کہ۔ بنجو ماسٹر آن بیدس اواسہ لائچ ۽ گلوکار اس ہم نسکہ۔ او پی ٹی وی آ بے کچ براہوئی، بلوچی و پشتو شہیر پیش کرینے۔

اونا شاگرد تینی علی عادل، رمضان شاد، علی جان ساقی، محمد علی، کریم جان، ندیم قلندری، فیض جان کاریزی، محمد یاسر (فرزند اُستاد محمد رفیق)، بشکیل جان، جنکی خان، زمیل زبیب، مرتضیٰ جان و شیر احمد اوار ۽، ہرا لک تینا رفیق اُستاد نا ازم، ہیلکاری و سر آتار وایت نا مین ۽۔

او کبھی دہائی تینا تالان تینا فنی سفر اٹی کبھی قومی و جہانی دود آتینی شیخ ہلک، و بلوچ دود ربیدہ و میوزک ۽ دنیا نا چندری ملک آتینی درستی راستی کرفے۔ اونا فنی سفر اٹی گچین خدمت آتا امنائی ٹی اودے بے کچ ایوارڈ و سنہ ہم تنگ۔

اُستاد رفیق بلوچ ہرا دھن آتے تخلیق کرے او اینو ہم سر و ساز نا دیوانہ غاتا است آتینی زمبار کیرہ۔ اونا شاگرد، دوست بروک و ہم

عصر کل دا ہیبت آامن کیرہ کہ اوڑا نبار ۽ ازمکار بھلو وخت اس اسکان ودی مفرو ۽۔ اونے پیرہ ساز انا تارتے سر فیکہ، بلکن است آتا تارتے ہم سر فیکہ۔ اونا زندا ہیبت انا شاہد ۽ کہ ازم پیرہ توار اس اف، بلکن احساس اسے نا سفر ہم ارے، او منہ ساہت اکن سلینے، ولے اونا دھن آک مدامی کن وخت انا خف تینی شپول کرسا کیرہ۔

داسہ ہم کس اس بنجو نا تارتے سر کل توسر آتا نیام آن جاگہ اسے آن اُستاد رفیق بلوچ نا شخندہ خف تینا تمک۔

اونایات اٹ نظم اس پیش ۽:

ساز دژدی ۽

سُر ۽ مودہ ٹی

چلتن ہو غنگ ۽

شال ۽ ہم پدزم

مہر دار سو گوار

گیمر و بگلوک آ

گواڑخ و سر بھگوتا ڈول

اینو گورچ، ہم تو بے سیک ۽

ایرگوات بے قراری ٹی داسہ

پنگ ۽ سُر و ساز، لنے توار ۽ نا

"دللی مور"

نادیرہ غاتولوک

مودہ کنگ ۽

نے کن "برناز" ہم

داننا شاعری غزلک غٹ آ

مودہ ٹی مسنوبدل اینو

ناجتائی ٹی

"یلوی آلا"

"کیلوڑا"

"لیلی اوسلی"

"سوز و کنا ساہ ۽ سوزو"

"موبل آمودی"

چُخو سیکلی آخن تون داڑے

نما ساز "بنجو" نادارہ ایرہ غاتولوک

ہرا تینا ۽

بیدنے آن داسہ

بیرہ "زہیر ونگ"

خلیک نایات اٹ

## سفر نامہ

### سندھ اناسیل

.....15.....

گڈ کیوش

7 جنوری اناسیل ہونا ہوا، مسن، کنا ماسات ناباوه فون کریمس، موبائل چپ اناموڈ آئس، سبب آن نن اونا فون ۽ ہرفنگ کتولین، پدا کال کرین تے، او پارے سندھ نصیر آبادی تارشتہ دار ۽ اوقیت علی بخش پنی ۽ کماش اس بھلو وخت اسے آن نا جوڑ کس، دروشام اتون دادنیا غان موکل کرینے۔ امر کہ مرے اوقتا پاتا غا کارے، اگتے کہ ای داڑے بھاڑگٹ اٹ، ہرا وخت کئے موکل ملا ای تسلی ٹی ہنوٹ، نن تینے تیار کرین، پین سواری الو، کامریڈ ضیاب مغیری نا موٹر سائیکل ۽ ہرفین راہی مس۔ کئے سانس کہ نصیر آباد اوکان اخس مڑ ۽، اگتے کہ کراچی آن مون سندھ اکن ہنگ نا وخت نصیر آباد ۽ خنان، کراچی آن سندھ اکن ہنگ کس، بس نصیر آباد دم اس سلین، علی بخش نامار اتون نا اوڑ وہی موس، نن منہ دے تین تون رینگ انگ نا ہم پارے (ہرا وخت آن سندھ آہنگ کس) اوقتا با آمین مس، نن اوقتا علاقت غاہنگ نا واررینگا (اللہ ماعلی بخش ۽ بیٹے)۔

نن تینا مزل کن راہی کس۔ چار بیچ گھڑی ناسفر ۽ پورہ کروٹی کس۔۔۔ ہنا نصیر آباد ۽ سرمن، ماعلی بخش انا کوٹ آ تو لوک کس۔ نن پاتیا کرین اوکان گڈ نن پین اراہٹ توفیر، اگتے کہ نن دم درینگان، نن چا چلم کریر، پدا دم اس آرام کرین۔ اوکان گڈ ارغ کسرنے۔ ولد اپاتیا والا ہند آدم اس تون، چار بھینگا۔ پاتیا والا ہند آن مخلوق بش مس، اگتے کہ اوکان گڈ پاتیا کن کس بنگ۔ اگتے دا سندھ انا مخلوق نا

رواج ۽۔ چار بچہ غان پدا پاتیا کپہ۔ نن چٹ پیشن تینا ملک آتا سیل اکن دریر۔ نصیر آباد نا سرزمین نا دروشم کئے نمبر والیو ہند آتیاں زیات دوست بس، بھاز زیہد کس، ارادے نصیر آبادی تون،

.....وحید ہماز، بسیمہ

مس نن، ہنا ہوٹل آنا خدمت ۽ جوانی اٹ کرے۔ پدا موکل کرین ہناں ارغا۔۔۔

کنا موبائل آفون اس بس، خلق آن کنا پین ماسات اس فون کرے، پارے تینے



ولد نن 10 جنوری نا دے پیشیم تون قمبر آ بسن قمبر ۽ سرمنگ تون نن کامریڈ ضیاب مغیری نا وناخ آہناں، اوتو لوک کس، سلام دعا کرین، دم اس تون۔ کامریڈ ضیاب نن پیشن درے کہ چٹ پیشن نا موسم نا مزہ بلین، پدا اوکان گڈ ہر کس مرینے۔۔۔۔۔ سنگت آک پیشن ہناں، ہوٹل اسپٹ تون، چاکنگن، اوکان گڈ شام ہم کب کرے۔ کامریڈ ضیاب پارے اینو ای کاوہ تینا ایلیم نا ارغا، کئے موکل ایتو۔۔۔۔۔ موکل کرین ہراہٹ تینا کسریٰ بلکن۔ ای وکنا ماسات چٹ بازار آہناں، اگتے اودے ہموڑے سنگت اس کس، اودے موبائل والا دکان اس کس۔ ہناں دم اس اونا دکان اٹی تون، پدا اوڑان موکل کنگ کس، او پارے داسہ گنوک مسزے، نما ارغ اینو کن تون ۽، دا گڑا نن زیب تفک کہ مہمان اس ارغ نا وخت آبرے و بابارن کاہے۔ پارے کہ دا اسہ شارسے، مش اس اف کہ ارغ نا بست و ہندا نن فریشان مرین۔ پین گڑاں متو ہوٹل بھاز ۽، بھاز ضد کرے نن اونا گپ ۽ منوٹی تہا۔ نن راضی مسن، ساہت اس

11 جنوری کئے سندھ انا ڈیہہ آن مڑنگ

کن کک تس، زواس بش مسن، نیاری تیار کس، ویکن نن کن ہروک کس، نیاری کہ کنگن پدہفت بچہ ہم تینے سر کرے، نن ویکن نا استادنا تروک آ وخت انا پابند مسن، تینے حضور بخش بروہی نا پپ آسر کرین، ویکن بس سرس۔ ماما دلراد ۽ موکل کریت، ویکن خضدار کن سر بلک، چٹ فریشان

نٹ کہ سندھ انا گڑاں شاران پنا ۽ بکسٹ، ولے ختو لیٹ تہا، کئے ختوٹی کس تے، ایلو چٹ خوش نٹ کہ قمبر و خضدار نا د کسریٰ ختو لیٹ کئے، ختوٹی کس تہا ہراہٹ نا گپ آک کسہ کہ وگو نا چڑھائی بھاز

بھلن ۽، گاڈی والا اک اونا بوزی آنگار پدا شیف ڈرنگار تو خیرات کریرہ، خیر وگو مڑ کس، داس نن قمبر آن مون مستی شہداد کوٹ کن راہی کس، ای ہندا اندازہ ۽ خلنگ نٹ کہ بلوچستان اسکان کس آ سندھ انا

پین اٹ شار ۽ ختوٹ، خیر شہداد کوٹ انا سیل ۽ وختی ہم کریت۔ شہداد کوٹ بس تینا زیبائی تون خلکن گدرینگان شہداد کوٹ آن ویکن خلسا پرغسا مستی بس سڑک نا منوٹی تون ہر سانا سفر برجا کس۔۔۔ شہداد کوٹ نا شار ایرس مس، اسہ پین شار اسے تون ڈک لگان، ای بوڑ آتے خوانا سٹ کہ دا شار قبوسید خان نا شار کس، سفر نا برجا کس۔ ویکن نا انجن گرم کرے، ساہت کپ اس لگانے، ویکن ۽ جوڑ جاڑی کسرای دانگ ایگ ہراہ ہر اسٹ نا پاپان آن پکس کہ کس ۽ ارفو کہ دا شار انا پین اگتے قبوسید خان بخانو؟ بس سفر نا سو ب آن دا علم دوہو نن۔ ویکن جوڑ مس تینا سفر ۽ بلوچستان نا ڈیہہ اکن برجا تہان، خلسا پرغسا ہناں سندھ انا ڈیہہ ایرس مس۔ بلوچستان نا ضلع جھل مگسی ٹی پترینگان۔ بلوچستان نا زیبا غا چرک لگا نن۔ جھل مگسی نا اسہ چکو شار اس بس (باریچ)۔ اوڑے ویکن نیم روچ نارغ کن سلین۔ ارغ لنگن دم اس مس ویکن نا ہارن نا تاورس، سورس تینا سفر ۽ برجا تہان، ولے ای بھاز بے قرار کس کہ چوہ وگو نا بوزی بروچٹ مون آگڑی ۽ کپ کس

ہناں اسے بھلو جھل کس بس اوکان گڈ وگو نا بوزی نا پنائی مس دا بوزی گڑی سے آن زیات لگا دا بوزی ہنا ایرس کنا است انا ارمان پوروس مستی ہناں کرخ اٹی دم اس، سلین شام انا ہشت انا پار اٹی خضدار ۽ سر مسن شام ۽ خضدار اٹی گدر مفیٹ۔۔۔

12 جنوری نا سبب تہا، ہندا کہ ہشت بھینگا، بھنگور والا ویکن اٹ سوار مسٹ، بسیمہ نا ڈیہہ کن راہی مسٹ۔ ہندا کہ وہ بچہ کس، بسیمہ نا بانی پاس آڈرنگٹ ہراہند آن کہ سندھ انا سفر نا پنا ۽ کریت۔

## غزل

میر احمد شا کر بسیمہ

خدایا کرک رحم بدل کر دا حال ۽ اسہ دے داڑے سفان کن سال ۽ خنوک ۽ خن افس خلوک ۽ دا اُست ۽ خن ۽ ہر کس چاہک دامڑ آن درست ۽ مرک مہربان نی بنگ دا سوال ۽ خدایا کرک رحم بدل کر دا حال ۽ اسے قادر پین ۽ نا اے رازق و شافی در آنا ننا دوک نن خوانہ معانی سہنگ کپنہ نن کہ نا دا کمال ۽ خدایا کرک رحم بدل کر دا حال ۽ ای میر احمد محتاج اریک نا مولا کنا دوک بڑا سوالی نا ڈول آ بنوسک نی دے اس کنا دا خیال ۽ خدایا کرک رحم بدل کر دا حال ۽

## احوال سفر (21)

### ای امریکہ و خنٹ

(Hartford) کس۔ ہارٹ فرڈ ریاست کینیٹی کٹ Connecticut دارالحلافہ۔ ہرانا آبادی اراہرا نو زوہ ٹی اسہ لکھ و بیست و سے ہزار کس۔ ہارٹ فرڈ نا شارانا اپنی منگ نا سوب دادے کہ اوڑے امریکہ نا پنی آادیب و نوشتکار مارک ٹوون (Mark Twain) نا مکان و میوزیم اریر۔ ریاست کینیٹی کٹ قطب نا کنڈ آن میساچوسٹس تون ملک، دانا سویلی نیمہ غا ریاست نیویارک بریک۔ ہندن ہارٹ فرڈ نا اڈہ غا ہم نم بیست منٹ اسے نا کچ سلیمین۔ ہارٹ فرڈ نا بس اسٹاپ آگراس مسافر ڈرار و گراس پوسکن ء بندرغ بس اٹی سوارسمر۔ داسہ بس انا کیشتری سیٹ آک خالی نسر۔ بس مونی روان مس تو ای خنٹ کہ سڑک تون اوار اوار اسہ کرار ء دریاب اس ہم و ہاکہ ہرانا پن کینیٹی کٹ دریاب کس۔ دادریاب امریکہ نا نیو انگلینڈ ایریا نا کل آن بھلا دریاب پانگلک۔ دریاب نا تہٹی مرمر کیشتی خنڈگارہ۔ اوڑان بیدس دریاب نارنی تیا ارا و آبادی ہم خنڈگارہ۔ کینیٹی کٹ دریاب امریکہ نا چار ریاست آتیشی وک۔ داریاست آتیشی ورمونٹ، نیو ہمشائر، میساچوسٹس و کینیٹی کٹ اوار ء۔ دادریاب چار ریاست آن بیدس کینیڈائی ہم وک۔ اصل اٹی کینیٹی کٹ دریاب نا بنا کینیڈا غانا مریک۔ دادریاب کینیڈا غانا و ہسا امریکہ ٹی پترینگ۔ و ہندن مونی و ہسا چار ریاست ء سیر دیریک۔ دادریاب آکینی ڈیم آک جوڑ کنگ نا ہر افقا مسخت آبادی تے کن سفا ء ڈیرا سٹور کنگ تون اوار اوار مخلوق نا کنگ کن مچی ودی کنگ ء۔ ننا بس مونی سفر کسرا اخیر آکینی کٹ آن پہ ریاست نیویارک اٹی پترینگ۔ داڑے ای چٹ دا ہیبت ء بیدوار کیو کہ نیویارک امریکہ نا اسہ ریاست اسے نا پن ء، ہرانا تہٹی کینی شارو علاقہ غاک اریر۔ دا شارتیشی اسہ پنی ء شاراس نیویارک ء، ہر ریاست نیویارک نا دارالحلافہ ء۔ ننا بس دن پاکہ ریاست نیویارک نا نیویارک شارائی ہیبا۔

اوار پن ہم علاقہ کینی اسی۔ ن ہرا بس اٹی نیویارک کن ہنگ کس او پیٹر پان (Peter Pan) کمپنی نا گوگی ء رنگ انا سگریٹ کشاک، او زو واسہ سگریٹ اس لگف و کھنگ ء شروع کرے۔ اوڑے بس آتیشی سگریٹ کھنگ نا موکل اف۔ پیشن



### ..... عنایت مینگل

(عنایت مینگل نا تعلقہ اری نوکے آن ء۔ او تینا ہائی تعلیم ء نوکے آن دوئی کرے۔ ولدا ایجوکیشن اٹی استاد نا حیثیت اٹ جو اننگ تس۔ اونا شوق خوانگک و خوافتنگ تون زیات کس، دابابت اوسٹرز کن اسکا لرشپ آ امریکہ کن ہنا۔ امریکہ غان پدی ہنگ آن پداو محکمہ تعلیم نا پالیسی پلاننگ ایڈا مپلی مینشن یونٹ (PPIU) ء جو ان کرے، داسکان ہموڑے سروں کنگ ء۔ او امریکہ ٹی انت ختا، او فنی قلم و کاغذ نا مک اٹ تلار نا خوانوک آتے کن رو بندتے۔)

بس اس کس۔ ہر اتم کس بس اسٹاپ آ سیفے تو کل مسافر ک پیٹر پان کمپنی نا دفتر آن پیشن مسر۔ ڈیور کل آن مسٹ بس انا کبھن تے ملا۔ ننا بیگ آتے ہسا و کبھن آتیشی تحسا کرے۔ ولدا مسافر کل لائن اٹی بس انا رہی آ سلیسر۔ ڈیور بس انا درگہ غاسلوک مسافر تا ٹکٹ آتے چیک کرسا او فنی بس اٹی پترینگ نا پاراسکس۔ ہندن پنچ منٹ اٹی بس کمپنی آن سر ہلک۔ ن ہر چار اٹاک ڈیور نا خیر انا سیٹ آتیا سوار مسن۔ ناتھ ایپنٹن نا شار آن پیشن منگ آن پد بس اسہ ہائی وے سڑک اسے آ لگا۔ سڑک نا ہر قوم آ بیمہ غا خرن و پننگن ء درخت خنڈگارہ۔ جاگہ جاگہ بوز ء مش ہم خنڈگارہ وے مش تازی آ ہم درخت و جنگل کس۔ اسہ گھنڈہ اسے نا سفر آن پدن میساچوسٹس نا ایلو شار سپرینگ فیلڈ (Springfield) آ مسرمن۔ ننا بس داڑے اسہ اسٹاپ اسے آ سلیس۔ بس اسٹاپ آ مسافر تے کن واں روم جوڑ کس، اوڑے دکان و کنشت کنگ نا آسراتی ہم کس۔ ننا سگت آتیشی بیرہ پرنس

مسن تو ای تو ار کریت کہ مہرانی کیو گروپ فوٹو نا خاطر آن اسہ دم اس سلبو۔ گروپ فوٹو اس ہلنگ آن پدن ارا غانا پیشن مسن۔ سرچیو نا زبفہ سنے ارا غانا پیشن بس موکل کرے۔ ولدا سرچیو سنے تینا گاڈی ٹی ہرنے ون ہوٹل کن راہی مسن۔ بیست منٹ آن پدن تینا ہوٹل آ مسرمن۔ سرچیو سنے ہوٹل نا مون آ ڈرنے۔ ن کل اونا منٹ ء ہرفین وادوے موکل کرین۔ موکل کنگ نا وخت آ سرچیو پارے کہ ہر اتم نے آن کس اس فلاڈلفیا غا بس تو کنا ارا غانا ضرور چکر اس خلے۔ سرچیو آن جتا منگ آن پدن ہر مسٹ آک تینا تینا کمرہ غاتے کن راہی مسن۔

### نیویارک نا چکر۔

ہر اتم کہ ای میساچوسٹس نا شار ناتھ ایپنٹن اٹی سٹ تون چار سگت اسہ دے اسے کن نیویارک کن ہنگ نا سلاہ ء کرین۔ دا 2017 ء نامٹی ناپست و نہہ تاریخ کس۔ ننا سگت آتیشی اسٹ پرنس کس ہرانا تعلق کاگو آن کس۔ ایلو سگت نا پن فلورس کس، فلورس ریپبلک آف کاگو نا بندرغ اس کس۔ مسٹیکو سگت اوا غانستان آن جاوید کس۔ ن ہر چار اٹاک ناتھ ایپنٹن اٹی اکریزی خوانگ کس۔ سلاہ نا وڑاٹ ن نیویارک کن بس انا ٹکٹ آتے آن لائن بک کرین۔ کنا ٹکٹ نا پیسہ غاک بیست وفت ڈالر و پنچا سینٹ (\$27.50) مسر۔ ن ہر چار اٹاک ہفتہ نا سب اتون نہہ نیم بچہ غان مسٹ تینے ناتھ ایپنٹن نا بس اڈہ غا سر کرین۔ پورا نہہ نیم بچہ غا بس تینا اسٹاپ آ سیفے۔ امریکہ ٹی گرے ہوڈ (Greyhound) بس سروں کل آن بھلا و پنی اٹاک بس سروں ء۔ وے اوڑ تون

پریگٹی سرچیو نا گپ ء مونی دسا پارے "ہر اتم کہ کنا مار و اونا زبفہ تینا ارا غا شفت مسرتون و ولدا اوقا کمرہ ٹی برینہ۔ گڑا بیڑا نا کمرہ غاک خالی مریرہ۔ ن ولدا بیڑا نا کمرہ غاتے اسٹوڈنٹ آتے کرا غا بقینہ " امریکہ ٹی اسہ روایت اس دارے کہ اوڑے مخلوق تینا ارا نا کمرہ غاتے اسٹوڈنٹ آتے کرا غا ایٹک۔ کا کچ و یونیورسٹی تو اوڑے ہر چنکا یا بھلا شار اٹی ارے۔ اراتے کرا غا تنگ مالک و اسٹوڈنٹ ہر قوم آتے کن فائدہ مریک۔ اسٹوڈنٹ آتے کن فائدہ دا مریک کہ او فنی بورچی خانہ نا گرا ووزان ہلنگ نا گرج منگ۔ اوقا ایلو فائدہ دا مریک کہ او فنی خاص کر پیشن نا ملک آتا اسٹوڈنٹ آتے امریکہ نا رواج آتھون زوت چا ہنداری مریک۔ ارا والا تا بھلا فائدہ دا مریک کہ او فنی کن کرا نا گراس پیسہ جوڑ مریک۔

مجلس نا نیام اٹ سرچیو پارے کہ کئے امریکہ بھلا دوست ء اتنے کہ داڑے ہر بندرغ ء شون ہلنگ نا بریر و ارو خواہی رسینگ۔ وے دا ملک انا اسہ ویل اس دا دے کہ دا ایلو دنیا نا کاریم تیشی بھلا نیام تنگ۔ سرچیو نا ہندا گپ ء مونی دسا پریگٹی پارے "اسکول نا دور اٹی اسہ دے کنا مار کئے پارے کہ اونا ٹچر پارینے کہ لاٹینی امریکہ نا بندرغ آتا فیصلہ کنگ نا بود کم ء، ہندا سوب آن اوقا فیصلہ غاتے امریکہ کیک " دا ہیبت انا زوی آ سرچیو پارے کہ دا ملک اٹی زندہ گدر بنگ نا بھلا ز فائدہ غاک ء، وے کئے دا ملک انا ایلو دنیا ناتھنی نیام تنگ وڑ پک۔ سرچیو تینا زبفہ غانا زور آن گپ کتو کہ بلکہ او کرار ہیبت کریکہ۔ سرچیو ایہن تو چپ ء بندرغ اس کس وے اونا ہیبت و نگاہ ٹی کرمی کس۔ ن ارغ آن پدا اسکریم کنگ، داسہ سنے چج معف یک و نیم گھنڈہ موسس۔ ای ہال انا کھڑی آن پیشن ہراٹ تو دے خیشنی کرین۔ ن سنے بیرہ ارغ بھلا کنگسن بلکہ گپ ہم بھلا کرین۔ آسکریم کنگ آن دم اس پد سرچیو نا بیمہ غا ہر سا پارے کہ داسہ ہنگ نا تیاری ء کین۔ ن ہنگ کن جک

## افسانہ

### بین ناچنا

..... جلال آل احمد

..... براہوئی مٹ: مہروان داد

کنا دو آن بیدس دا کاریم آن بین انت  
اس منگ کریکہ؟ کنا آرغ توچ وڈاٹ  
امنائی آلو کہ کئے چٹا تون اوارتینا ارانا  
الے۔ اتنے کئے چٹا او نا الو۔ دا کنا اولی  
آرغ ناچنا کس کئے مسٹس۔ دا آرغ تو  
چٹا تون دو ہلنگ رکن ہم تیار الو اگہ کنا  
جاگہ غا بین اس مروٹس او انت کنگ  
کریکہ؟ کئے ہم زندگی ناق آرے۔ ای  
ہم خواوہ کہ زندگی کیو، اگہ دا بندر کنا  
خینس تے تروٹس گڑا تو ای گڑا اس کنگ  
کریٹ۔ داسرانت کروسٹ؟ لاچار کٹھ کہ  
چٹا، امرکیویرے اتوتے؟ اگہ ای بین کس  
سنبانگ کن اتوتے، او تینا آسٹ اٹی  
انت پاروے؟ او ہندا پاروے کہ داچنا کوٹک  
اسے؟ دادے باوہ اف؟ ای ہبکہ کٹھ کہ دا  
چٹا امرکیو تین تون تو ریا آخا؟

ای خوا تو کس کس اس کئے خراب پاپے، کنا  
زی آ خراب ء ہیئت اس کے، ای شکی  
مریو۔ ہموزدے ای تینا کاریم ء کریٹ،  
ارانا ہنٹ غٹ ہیئت آتے لہوہ و ہمسائے  
تامون آ کریٹ۔ گڑا اسٹ اس پانگ کس  
(تپرہ دیراس) پارے نی داچنا ء چوری جا  
غادر۔۔۔، بین تپرہ خراف ہرا ہا جاگہ نا  
پن ہلنگ کس، گڑا کنا لہوہ ہموخت آپارے  
”نا خیال اٹ اوٹک چٹا ء تین تون  
سنجیا لور؟“ البت ای تینت ہم دا بارواٹ  
تجھیت، ولے او نیازی نا ہیئت آک کنا  
است اٹی خاخر لگفیر۔ ای تینے پاریٹ  
”دریغا دا کاریم ء ای کریٹ، تینا چٹا ء  
دروٹ، چوری جانی یا بین جاگہ اس،“  
ہمو نیازی نا ہیئت آن ہندن یادینا ناغٹک  
کنا تہٹی شولگار، ای چٹ ہماڑے وس  
مٹ، کئے چٹا ناغہ ہنین انگا ہیئت وگپ  
آک یات ہنگ سرہ، ای چٹ دلگیر  
مٹ، تینا است ء توٹک کٹھ۔  
ہمسائے تامون آ گاڑ گاڑاٹ ہوغٹک  
کٹھ، گڑا اسٹ اس پارے ”شکی ہم مفک  
ہوٹک“ ولدا لہوہ کئے تسلی تیس کنا ہماڑ  
است بڑی ء کرے۔ کنا لہوہ راست  
پاریکہ، اتنے کہ کنا پوسکن ورنائی نا دیک  
سرہ۔ اسے چٹا سے کن اتنے تینا زندگی آن

مرین گڑا نے کن ہلیوہ" کئے جوان یات  
ء کہ ہموزدے آئے آن ہماڑا رنے، دیر  
انانا ملی ٹی ملی اس تموک کس۔ کچ آ بندر  
آک اونار ہی کچ سرہ کئے پارے" لہوہ  
کئے بوز کرک ہروانت اسے؟ گڑا ای بڑا  
کریٹ تے، او ہرا ہندن کہ ای اودے  
شیف کریٹ۔ او خناس کہ ملی نانت  
دتری کس، تینا چٹا ای آبولی ٹی پارے" لہوہ  
اش اش کس" ای پاریٹ، او اتینا لہوہ نا  
ہیئت ء ہنو ہندا سوب آن اش مس۔  
داسکان پوسکن سہب انا بیانی دخت کس،

است امر ہمو کاریم آراضی مس۔ آرغ نا  
ہنگ آن پدای ہم چٹا تون اوار ارانا  
پیش تہاٹ۔ بازار نا کٹھ آراہی مٹ کنا  
چٹا نا پوسکن مسٹیکو سال پورومنگ اٹی کس،

بھاز گاڈی الو ہندا سوب آن نن اسہ گھنٹہ  
اس اوڑے چاری مسن، ولدا گاڈی اس  
ریگا۔ کئے دن ہم جوان یات بریک کہ  
کئے آن رنے" لہوہ ہرا نگ ہنگ اُن؟"  
ای دم درینگوک پاریٹ، ”ہنگ اُن باوہ  
نا کٹھ آ“ کئے ہرا ولدا تینا چٹا ای آبولی  
ٹی پارے" لہوہ باوہ ہرا کئے؟" داسہ کئے  
واک متو کہ ای او نا ورنندی ء ایٹو، پاریٹ  
”کنا جفر نا کمر، نی اتنے داخس سوال کنگ  
اُس ندر مر یو نا کاٹم رکن۔ نے رکن ڈتیک  
ہلپرہ پپہ مس۔“ داسہ ای بھاز ڈکھیا  
اٹ کہ اتنے گڈی دے آ ای تینا چٹا ء  
ہکل تٹ، او نا آسٹ ء پرغاٹ؟ ہمو  
دخت آک نن ارانا پیش تمان ای تین  
تون قول کریٹ کہ چٹا ء ایٹو ہکل تفرہ،  
چٹا نازی آ خا رہم کپرہ، چٹا ء خلپرہ ہم،  
داسہ تپرہ اُخس ای ڈکھیا اٹ کہ اتنے  
ہموزدے آ ای تینا چٹا ء ہکل تٹ،  
اودے ہیئت کنگ کن ایٹو؟ غریب  
آرام مس، خلیس آن چچ اس پاتو، نن اسہ  
High way اسے آ پند اٹ ہنگ  
کند۔ High way آ بھاز رش کس۔  
گاڈی، بس، بھاز ہنگ ہنگ سرہ۔ ای  
موتجا مٹ کہ امر تینا کاریم ء سرائیو۔ نیم

6 میکوپنہ خا برجا

گھنٹہ اس ہندا High way آ  
سلیس۔ تین تون سوچاٹ کہ انت کیو؟  
ای دہ تو من (دہ رپی) گھاٹ و تینا چٹا نا  
دوٹی تٹ۔ چٹا چٹ ہبکہ کس۔ ہبکہ ہبکہ  
کئے ہنگ کس۔ او تھو کہ پیسہ غاک انت  
اسے کن ء؟ ای ہم حیران کٹھ کہ اودے  
امر سر پند کیو، کس نا ایپا آ اسہ بندر اس  
تو لوک کس او گڑا ہبا کنگ کس۔ ای دوع ہمو  
نا کٹھ امر فیٹ، و پاریٹ، ہن ہمو بندر  
نا کٹھ آ گڑا ڈتیک ہٹ خونئی گڑا ہلنگ  
کیسہ؟ چٹا وارا کئے ہرا وارا تینا دوانا  
پیسہ غاتے، کئے پارے، لہوہ نی ہم برک۔  
ای پاریٹ آخا ای داڑے سلوہ نی ہنگ  
ہٹ ویر۔ چٹا حیران کس۔ اتنے کہ داسکان  
چنگ کس، او تھو کہ امر گڑا ہلیوہ۔ ہبکہ ہبکہ  
کئے ہنگ کس۔ ہموخت آ کنا است اٹی  
دڑا داس بش منگ اٹی کس۔ ای چٹ بے  
دڑا مٹ۔ چٹ سلیس کہ نو ای تینا کاریم  
آن پشیمان مریو۔ دم اسے آن پدای  
خماٹ کہ چٹا ہمو گڑا والا نا کٹھ آ ہنگ اٹی  
ء، او نا خوک آ سر مس۔ ای تینا زندگی ٹی  
داخس عذاب و ڈکھیا متٹ، ہراخس کہ  
ہموزدے ای ہمسائے تامون آ گاڑ گاڑا  
ہو غاٹ۔ کنا جان ناہمت چٹا سٹس چٹا  
نا عجب ءنگہ اس ہنگ آن کنا است اٹ  
دڑا داس بش موسس۔ غریب اول اٹی  
حیران کس کہ ای پیسہ غاتے ہلیوہ یا نہ۔ بھاز  
نمون کرے کہ ای فلانی گڑا ء خواہ اے  
گڑا ء خواہ۔ اگہ چٹ اس بین اوار  
مروں، تو ای الم تینا کاریم آن دل پر دوش  
مٹ، ای ہکل تٹ و پاریٹ، زو کرک  
ہنگ ہر گڑا آرے، دا دخت آ High  
way ہم چپ کس، ای پاریٹ" تیز بہن  
کہ گاڈی اس بریک نے خلیک زو کر،  
ارا، مسہ گام خلک، ولدا واپس مس  
پارے لمبچ آرے؟ ای پاریٹ، او جفر نا  
کمر، مہم ہم آرے پاتے کئے مہمچ ایت،  
ایتک نے۔ کنا چٹا پوسکن کس نا نیام اٹی سر  
موسس کہ اسہ گاڈی اس ترند ء پیپ اس  
خلک۔

روحانی منصب آہراوخت سرموسس دا کئے ہم خرافہ۔۔؟  
اوناپیشانی اوناخید آتیاں گروٹنگ تسکے دا پیشانی ناگروٹنگ مہر و مابت ناسر بلندی یا اسہ پوسکن ءزنداسے نا جنگ اٹ اختہ نظر بسکے۔۔۔ ای اوناپیشانی ناخید آتے تینا خیری ناپلوٹ پاک کرسا اوناپیشانی آن دروت اس ہلسا پارپٹ۔

جی کنا چنجا۔۔! نی دا جنگ اٹ پُر عزم اُس کئے تسلی تنگ نا گرج ہم اف، تسلی ہونے ابتہرہ کہ ہرانزوری تاگواچی ء، ای نے پنت وشون کنگ کپہ واہم اسہ ہیبت اس نے تون کنگ الی سر پند مریوہ کہ نی تینا تخلص ء بدل کرانئے کہ "بسل" نامطلب ء "ترب" ہندا تخلص نازنداننا زی آ بھاز بھلوٹراں تالان کرینے۔ اگہ نی تخلص ء تینا بدل کیس تو دا زندانا جنگ

اٹ نے آسانی ڈوبریک۔۔۔ اوکنا ہیبت آتے ماؤی اٹ جنگ آن پد کناخن تے ٹی ہر ساسہ چکلو ہشندہ اس اُسٹ آتاتینا بازن آ جوڑ تینا ہشندہ اس تالان کرسا پارے، بابا جی۔۔۔! ہندا "بسل" ہرادے کہ نی پاسہ ترب۔۔۔ دا ترب نا دڈد کئے زندانا ہرشخ انی حوصلہ ہشخانے۔ ہندا ترب نا چاشنی ٹی زندانا فلسفہ اودیم۔۔۔ ہندا ہیبت آتے کنگ تون اوار اوناخن تیان خویک آک گروٹنگ تسر ولے او خویک آک اونا چنکا ریش ء پالنگ کتوس۔

اوکنا ہیبت ء ہلبو بلکہ "بسل" تخلص تون ڈوٹی مرسا تینے تاریخ ٹی زندہ تھخا۔



اٹ دا جنگ اٹ سر سہی کنا مقدر ء "اونا پُر جوزہ ناگپ آتیاں دا اندازہ مس او دا جنگ اٹ دم دراف بلکن اوڑ تون ہمت نا بالاد مدام ہمسفر ء۔ اونادنا ہیبت آتے جنگ



اٹ نے آسانی ڈوبریک۔۔۔ اوکنا ہیبت آتے ماؤی اٹ جنگ آن پد کناخن تے ٹی ہر ساسہ چکلو ہشندہ اس اُسٹ آتاتینا بازن آ جوڑ تینا ہشندہ اس تالان کرسا پارے، بابا جی۔۔۔! ہندا "بسل" ہرادے کہ نی پاسہ ترب۔۔۔ دا ترب نا دڈد کئے زندانا ہرشخ انی حوصلہ ہشخانے۔ ہندا ترب نا چاشنی ٹی زندانا فلسفہ اودیم۔۔۔ ہندا ہیبت آتے کنگ تون اوار اوناخن تیان خویک آک گروٹنگ تسر ولے او خویک آک اونا چنکا ریش ء پالنگ کتوس۔

سلوک کس۔ ای دلجم مسٹ پارپٹ تینے کہ داسہ کنا کاریم خیر مسنے۔ دا حالیت اٹی کئے ہندن سامنگس کس کہ چنا کنا ف۔ گڈیکو وار اس کہ ای اودے خلنگ کس۔ ای تینے کشاکش دا گلی اے گلی راہی کس، بھاز خلنگ کس کہ دن مف کس اس خنے کئے۔ بھاز خواری ٹی ہناٹ ارانا سرمسٹ۔ شام آتینا آرغ آن گاڈی نا کرا ہم ہلنگ کتوس۔

اٹ دا جنگ اٹ سر سہی کنا مقدر ء "اونا پُر جوزہ ناگپ آتیاں دا اندازہ مس او دا جنگ اٹ دم دراف بلکن اوڑ تون ہمت نا بالاد مدام ہمسفر ء۔ اونادنا ہیبت آتے جنگ

کچہ ٹوٹھی سے ٹی لیٹوک، اوناکاٹم نا کیرغ آن اسہ تنگ ء بالشت اس تحوک خنات تو اونا جوڑ تینا ہمو اول نا ہشندہ ہیک موکل کریٹر، ولے اوناخن تے ٹی زندگی تون

.....حمید عزیز آبادی

جنگ تنگ نا حوصلہ غاک چلتن نا بالاد تون گپ کریہ، اونالاغرا جون ہمت و حوصلہ نا چیدہ کس۔ کنا اوڑ تون دا اولیکو باقاعدہ اوڑد ہی کس۔ ای اوڑ تون اولیکو وار پتی گی مرسا اوڑان اوناطب انا بارواٹ سوج کریٹ۔۔۔ "امر اُس کنا چنجا۔۔۔؟ امر ء طب نا" او تینا فطری آ عادت آن مجبور تینا پُر مہر آ جوزہ غانے ٹی تینا بازن آ جوڑ تے سرفسا کئے پارے۔

"بس بابا جی۔۔۔۔۔ زندگی تون جو تنگ اُن۔ دا جنگ ہمو تم اسکان برجامروتا کہ ای داکینسر و زردوئی زده غا راج ء بے سہب کثفت۔ بابا۔۔۔ نما دعاتا برکت

مدان ہنگ نس۔ دن تونے گاڈی خلکک "ہراتم ای دا ہیبت ء کریٹ تو ہونگ کنا سلوک کس۔ چنا کنا ٹمب اٹی کس پارے" لمہ کئے ڈرف دا وار آ تیز تیز کاوہ" اگہ چنا دا ہیبت ء کپروس ای چٹ گیرام کریٹ کہ انت سوب آن داڑے بسنت۔ ولے چنا نادا ہیبت کئے ولدا کاریم نا کند آدرے۔ داسکان ای تینا خن تاخویک آتے پاک کتویٹ۔ ای

ہنگلن شپارک آ بالاد، سوزاغا دروشم، ماخول آتب، مہر آن بھری، جوڑ تینا مام ہشندہ تالان۔۔۔۔۔ او دخت اس کہ ہیبت کر یکہ تو مہر انامر وار یک گچین آوز آ ہیٹ تالان مرسا ہمنین ء زنداسے نا ڈس ء تہرہ۔ اونانا ڈرک آ جوڑ تالان داکس کہ او ہراتم ہیبت کر یکہ تو ہندن لگا کہ گلاب و گواڑخ آک اسہ ایلو آن دروت ہلنگ ء۔

ای تینا زند ہڑ و خجال آتے ٹی اختہ، وخت انار قرا ہم داخمون مستی ہنویٹس کرای ناگمان کوہ چلتن ء مونجائی نا پلو یڑ اٹی خنات، دشت انا گواڑخ آک گیروک کسر، نیلوفر نانیل آ پھل آک خُ آن دول تینا بالاد نازیبائی ء گیرام کریٹر، پدک آک ہم تلوسئی ناگواچی کسر، داتوی ہیبت نا بارواٹ ای ہراتم چلتن ء حوال کریٹ، گواڑخ و نیلوفر آتیاں ہم سوج کنگ نا ہمت ء ودی کریٹ تو خبر تما کہ مہرانا "مرواری دسوک آ" گچین ء زندگی اسے نا جنگ اٹی نئے پیر ٹھھی مسنے بلکن سینہ تے ہم کپ کپ ء۔۔۔ دامان ناگل گواڑخ آک یک زبان مرسا پارپٹ کہ دا اونا ہمت ء کہ اووا ہم داکینسر زده غا راج اٹ زندانا اومیت ء تینا زور آ کوپہ غانیا تھانے، دا ہیبت آتا جنگ تون ای ہکل کریٹ پارپٹ۔۔۔ اے کوہ چلتن۔۔۔! کئے دا ڈس ء ایٹے کہ ای مہرانا مرواری دسوک آ مرد مجاہد ء ہراڑے پٹو۔۔۔؟ چلتن ہکل کرے پارے اوداسہ ہم کئے آن خوک ہزار گچی ٹی زندانا جنگ اٹ اختہ تینا ہمت و حوصلہ ناشاہدی ء تنگ ء۔ ای چلتن نازرک آڈس آہراتم اودے اسہ

ای تینا زند ہڑ و خجال آتے ٹی اختہ، وخت انار قرا ہم داخمون مستی ہنویٹس کرای ناگمان کوہ چلتن ء مونجائی نا پلو یڑ اٹی خنات، دشت انا گواڑخ آک گیروک کسر، نیلوفر نانیل آ پھل آک خُ آن دول تینا بالاد نازیبائی ء گیرام کریٹر، پدک آک ہم تلوسئی ناگواچی کسر، داتوی ہیبت نا بارواٹ ای ہراتم چلتن ء حوال کریٹ، گواڑخ و نیلوفر آتیاں ہم سوج کنگ نا ہمت ء ودی کریٹ تو خبر تما کہ مہرانا "مرواری دسوک آ" گچین ء زندگی اسے نا جنگ اٹی نئے پیر ٹھھی مسنے بلکن سینہ تے ہم کپ کپ ء۔۔۔ دامان ناگل گواڑخ آک یک زبان مرسا پارپٹ کہ دا اونا ہمت ء کہ اووا ہم داکینسر زده غا راج اٹ زندانا اومیت ء تینا زور آ کوپہ غانیا تھانے، دا ہیبت آتا جنگ تون ای ہکل کریٹ پارپٹ۔۔۔ اے کوہ چلتن۔۔۔! کئے دا ڈس ء ایٹے کہ ای مہرانا مرواری دسوک آ مرد مجاہد ء ہراڑے پٹو۔۔۔؟ چلتن ہکل کرے پارے اوداسہ ہم کئے آن خوک ہزار گچی ٹی زندانا جنگ اٹ اختہ تینا ہمت و حوصلہ ناشاہدی ء تنگ ء۔ ای چلتن نازرک آڈس آہراتم اودے اسہ

ای اودے اولیکو وارا مہر راجی ء کچاری اسے ٹی ٹو لوک ہیبت کنگ آ خنات۔ او ہراتم ہیبت کر یکہ تو کئے آ ضرورتینا بلکہ ء کر یکہ کئے ہندن محسوس مس کہ اوکنا چکار ء تینے یا تینا ہیبت آتا کند آ کنگ نا کوشت ء کر یکہ، نو اوک تون ہیبت اس کے یا کن تون جوڑ بڑاں کے، ولے کنا ہم اُسٹ خواہی نسکے ای ہم اوڑ تون منہ ہیبت کیو، یا اوڑ تون حالی حوالی مرسا اوڑان سوج چست کیو، اوڑان زند ء تد بنگ ناخ اس ہلسا اوڑان مہرانا فلسفہ ء سر پند مریو۔۔۔ یا ای اوڑان مہر اسے کن جنگ تنگ نا ہنر آن واجب مریو، ای دا ہم سوچا کہ اوڑان زندگی نامشور ء سر پند مریو۔۔۔ ولے کئے ہمو وخت آد اشرف ڈو بتو یا ای دا الی ہم سر پند متوٹ انت فاندہ۔؟ ای دا ہم سوچا کہ اگہ اوک تون ہیبت وگپ کنگ یا بلنگ خواہک تو ضرور دے انادے اس اوڑد ہی مروتو تو خیر اسے۔ ہندا سوج و پام آتے ٹی راجی کچاری ہم ایسر مس ہرکس ہرکس مس ای ہم تینا لتر آتے نت اٹی کریٹ راہی مسٹ۔

ای اودے اولیکو وارا مہر راجی ء کچاری اسے ٹی ٹو لوک ہیبت کنگ آ خنات۔ او ہراتم ہیبت کر یکہ تو کئے آ ضرورتینا بلکہ ء کر یکہ کئے ہندن محسوس مس کہ اوکنا چکار ء تینے یا تینا ہیبت آتا کند آ کنگ نا کوشت ء کر یکہ، نو اوک تون ہیبت اس کے یا کن تون جوڑ بڑاں کے، ولے کنا ہم اُسٹ خواہی نسکے ای ہم اوڑ تون منہ ہیبت کیو، یا اوڑ تون حالی حوالی مرسا اوڑان سوج چست کیو، اوڑان زند ء تد بنگ ناخ اس ہلسا اوڑان مہرانا فلسفہ ء سر پند مریو۔۔۔ یا ای اوڑان مہر اسے کن جنگ تنگ نا ہنر آن واجب مریو، ای دا ہم سوچا کہ اوڑان زندگی نامشور ء سر پند مریو۔۔۔ ولے کئے ہمو وخت آد اشرف ڈو بتو یا ای دا الی ہم سر پند متوٹ انت فاندہ۔؟ ای دا ہم سوچا کہ اگہ اوک تون ہیبت وگپ کنگ یا بلنگ خواہک تو ضرور دے انادے اس اوڑد ہی مروتو تو خیر اسے۔ ہندا سوج و پام آتے ٹی راجی کچاری ہم ایسر مس ہرکس ہرکس مس ای ہم تینا لتر آتے نت اٹی کریٹ راہی مسٹ۔

## پین ناچنا

.....5 میکو پند مان برج

ای ہمو دمان اٹ ہناٹ چنا ء تینا ٹمب اٹی ہلک کس نا کند آ ایٹ تے چنا کئے آن ارف "لمہ انت مس؟" ای پارپٹ "چج متوسکرا ٹی بندغ تیز تیز کا کاب، نی مدان

## افسانہ

## سیم تا گواچی مروک آ بندغ آک

کرے ہر اوخت ادنا لمہ دا کوڑی ء بیلہ  
کرے۔ عارفہ تینا مس۔ آسرائی نادیک  
ڑوا لیسر مسر، وخت اناترندی و ہوک آدیر  
آنار مس۔ وخت اس کہ حکومت نا کنڈ  
آن اسہ بل اس پاس مس سیم انا ایپارنا  
مخلوق ء واپس اوقنا وطن آمون تر وئی ء۔  
بھلو ظالم ء ہمو وخت انا خڈاک ہر اقلک  
کہ بندغ آتا زندانا فیصلہ غاتے کیرہ،  
بندغ آتے بے آرا کیرہ۔ اینو اسکول اٹی  
عارفہ نا گڈ یکو دے کس اوتینا جماعت نا  
سنگت ہانی، سمو و بانزنی تون دوٹی کرسا  
خن تیان خوی بیک شولا کہ، غٹ اسکول نا  
چنک عارفہ نا جتائی ٹی ہو غارہ، کس  
عارفہ ء نیکی اس تسک کس اودے پھل آتا  
گلدستہ نیکی کریکہ۔

دوٹی ء، ہرائی اوتینا وڑ وڑ انا لیک آتے  
کشرہ۔

عارفہ تینا اسکول اٹی خوانگک اٹ نزوالو  
تینا استخوانی اٹ تینا اسکول نا کاریم تے



اسہ کنڈ آن لمہ نا جتائی ایلو کنڈ آن لمہ وطن  
نا جتائی عارفہ نا است ء دیر کر بس۔  
گڈ یکو وار اوقبرستان آہنا تینا لمہ نا قبر آ  
دعا کرسا لمہ تون ہیبت کرسا پاریکہ لمہ  
جان نی تو "لمہ ڈغار" ناموسس ولے ای  
نئے نا مسٹ نئے لمہ وطن نا۔ اسہ بھلو  
آرژندہ اس کشسا پارے خدا ہمو فنتے  
ہم سیم تا گواچی کرسا جوخ اٹ ہٹے  
ہر اقلک داسیم تے نانا نیام اٹ جوڑ کرینو۔

کریکہ۔ لمہ انا سیموس اسٹ آ مسٹر ء لمہ  
باوہ تینا کنڈ آن بھاز مہر ترہ۔ زندا سہ وڑ  
مٹک، ہندن کہ کچ آتا آگڑی مریک  
ہندا وڑ غمک ہم خوشی تیبی گڈوک مریرہ۔  
دامہر آک ہروخت مفسد اتنے کہ بندغ نا  
خوشی تیبی قسمت نا ہم بھلو کڑدارا سے۔  
عارفہ نا قسمت ہم اوڑ تون ہمو وخت آدرو

سگریٹ، اس کشسا گدرینگے کنے گورز  
ہاؤس اٹ گند لکک، ولے کمال ء اینو  
35 ٹن چڑس انا تینا مون آتینا خوک آتینا  
دوٹی ہشٹا کنے گند لککو، ساف باس کنا  
بندس؟ یاز کام سٹ؟  
اینہن ہرس تو زکام داخو بھلو بیماری اس  
اف ولے ہرا تم خن شینی آتے تے گڑا  
جہانی واکدار آتینا خواست کیوہ نئے  
ڈالرنا کمک تقس، بلکن تحقیق کیر کمک آن  
پد ہم نن اتنے مین ہنگ اُن راست  
دادے نما ڈالر آتا کمک نا مین ہنگ نا  
سوب جوڑ منگ ء۔

سیم آن داپار لیس۔ عارفہ ہمو وخت آتینا  
لمہ نا پڈ اٹی کس، ہرا وخت آ اقلک ہمو تینا  
ہنگلین ء الار۔ ہرا وخت آ عارفہ ووی مس  
تو اونا باوہ اونا شہہ غامخو ء پٹنگا جو ان

دوٹی ء، ہرائی اوتینا وڑ وڑ انا لیک آتے  
کشرہ۔



بندغ کرسا پارے اگہ گورز ہاؤس نا  
سڑک آن کس اس سائیکل آچڑس انا

وخت انا فرعون آبادشاہک کشانو۔ سیم انا  
داپار ایپار اسہ راج انا بندغ آک ریہنگرہ  
اوقنا رسم وودو آک اسٹ ء، اوقلک اسہ وڑ  
انا پوشاک بیہرہ، سا نگ برام آک اسہ  
وڑ مریرہ، ہیرہ اوقنا نیام اٹ اسہ بھلو ویل  
اس ہندا سیمک ووی کرینو ہرا نا سوب  
آن بیوس آ مخلوق ساندہ بے بند مرسا  
ہسنے۔

## .....شاہ فیصل بلوچ

عارفہ ہم ہندا سیم تا گواچی مسنے او بے بندر  
مرساتینا وطن آن پیش تمسا پوسکن ء جاگہ  
وطن اسے نا پارہ غامخو نیکی آخن تون  
دڑد آتا باریم اس کاٹم آتخسا روان  
مسوس۔ ہرا وخت آک وخت انا فرعون  
آک اوقنا وطن آجہاز و نینک آتخون جلو  
کریر تو ہمو وخت آجہاز آلمک تینا جان  
وسا ء بچفنگ کن سیم آن دا پار بسر۔  
عارفہ نا باوہ تینا زنیفہ و تینا جیرا نگا لمہ باوہ ء

وڑاٹ اونا شہہ مس۔  
خواری وکوشت اٹ انسان نا دنیا بدل  
مریک۔ بندغ نا خواریک آسرائی ٹی  
بدل مریرہ، ہندا وڑ عارفہ و اونا آرا والاتا  
زند بھاز آسرائی ٹی گدرینگا کہ قسمت نا  
فیصلہ بوز آن مرے یا مٹ ولے بندغ  
آتا قسمت نا کتاب وخت انا بادشاہ تا

## بوگ شوگ

## موالی ناسگریٹ

ادکان گڈ گورز پرنٹ و الیکٹرک میڈیا  
تون ہیبت وگپ کنگک آن مست محسا و  
.....ڈاکٹر محبوب شاہ

ناروککس نا ادارہ متو کہ اینو داسی و پنچ ٹن  
زیارور نا تاریخ و ریشٹی جاگہ کریر۔ ای  
گورز بلوچستان آن خواست کیوہ تون تون  
فڈ انا کم بوتی ارے اگہ نئے فڈ دو برے  
نن بلوچستان ء مدام نشہ غاتیان پاک  
کین۔ ای گورز بلوچستان آن پدا  
خواست کیوہ نی دوٹی کروک آ زیار انا دا  
بھلا ڈی ء تینا مبارک آ دواٹ خاطر  
ایتے۔ گورز بش مس مش انا کچ ء بھلو  
چڑس و ایلو نشہ غاتا ڈیرا س خاطر س۔

قسمت نا فیصلہ غاک دو نا سیم تیبی مریریا  
مفس، ولے بھاز بیوس آ بندغ آتا  
بندری نا فیصلہ ء ملک آتا سیمک کیرہ۔  
اسٹے داسیمک بندغ آتا نیام اٹ مری  
ووی کیرہ؟

بھلو ظالم ء ہمو سیم تے جوڑ کروک آ بندغ  
آک، ہرا کہ داسیم تے جوڑ کرینو اوقنا  
سینٹی بندغ نا اُست مفرود ء، ہنڈن کہ  
پارہ اسہ بندغ اسے نا سینٹی اسہ اُست  
اس مریک ہرا کہ دنیا نا تہٹی ایلو بیوس آ  
انسان تا ویل آتے پہہ مریک اودا ویل  
آتے ایس کنگک نا کوشت ء کیک۔ ہرا  
بندغ کہ ہرا ڈغار آ ووی مریک تو ہمو  
ڈغار، وطن ادنا لمہ پاننگک۔ بندغ ہمو  
ڈغار ء وطن، تینا لمہ تکسا اوڑ تون مہر و

مایت کیک دامہر اونا گڈ یکو ساہ اسکان  
وطن تون مریک۔ ہمو ڈغار آن مڑ ہنگ  
اونا است ء بھاز بے وڑی ٹی شھی  
کیک۔ وخت انا ظالم و جابر آبادشاہک  
تینا لاچ و تینا بے مسخت آ است خواہی  
تے کن بھاز آ بندغ آتے تینا وطن آن  
بے آرا کرینو اینو ہم بھاز آختک خوی نیکی  
ء۔ بھاز آست آک شھی ء۔ اوقنا شھی  
منگ نا سوب ہندا سیمک ء۔ ہرا فنتے

مسکوہی چیف جسٹس، امیر الملک میٹگل  
گورز کس، اسہ دے ناروککس نا افراس  
اودے ناروککس نا ہیڈ کوارٹر آ بنگ و  
ڈرگ نارخلا سیمینا اٹ شی ہنگ نا  
کارڈ ء س۔

منہ دے آن پد ناروککس نا افراس  
گورز ء ہیڈ کوارٹر اٹ سر پند کرسا پارے  
نا سپایک نا افراس آک تینا جان ء گوتخسا  
نن و دے نشہ بہا کروک آتا کارخانہ،  
دکان، و بہا کنگک نا ہندا ایام جلو کرسا  
نشہ نا بھلو بھلو ڈی دوٹی کیرہ۔ بھاز وخت  
سپایک افراس آک شھی ٹوری و شہید ہم  
مریرہ، اسٹو ناروککس نا ادارہ 35 ٹن  
چڑس، ہیرون، تریاق، و پیشن نا بے کچ  
نہادی خرمک اٹ تالان کنگک آن مست  
دوٹی کرے۔ ملک انا آجت ء بھلو  
بھکاری و بربادی سے آن بچے۔ اگہ

## کسہ

## زندانا سفر



.....5.....

شادین اوکان پیش تمنا تینا ہیکن آس، او پگہ سبب انا مال ء اوکان سرتر، مون تینا ڈیہہ اکن، خلسا پٹسا تینا ڈیہہ اکن گڑاس وخت آن گڈ سرسر، او منہ دے اسکان اراٹی دم کشا، اوکان پد تینا باوہ ء پارے کہ ابا کنے اسکول آ داخل کر، کنا خوانگ خراب منگ ء، وکنا وخت زیان منگ ء۔ داوڑ ابا تے پارے کہ ای پگہ کاوہ موخلق اٹی ننا سیال آس ارے ای اوڈے پاوہ کہ تینا اراٹی اے، گڑانی موڑے مر، واسکول آ خوان۔ اوڈے ہنا شام مس، کہ شادین نا باوہ نا ہوسیال تینت شادین آس تا اراغا بس، بخیر، سلام دعا منگ آن پد اریغ کنگر، اوکان گڈ مجلس بنا کرے، شادین نا ابا گڈ کیو وخت اٹی پارے کہ ایلیم کنا مار چٹ خوانانے و اوڈے خوانگ نا بھاز شوق ارے، ای پاریت کہ بریوہ نے موڑے حوال کیوہ، نے اللہ تینت ایلیم، بس نی انت پاسد ای تینا مار ء اتیوہ موڑے خوانگ کن نما اراٹی رہینگ انگ کن جاگہ ملو؟ سیال تے پارے کہ خواجہ اراٹما اراء، ہرا وخت بنگ کیرے، داہرا بھلا ہیت ء کہ نم کنے سوچ کیرے؟ شادین نا باوہ پارے تے کہ ایلیم نما لکھ تورو کہ نم کنے عزت ترے۔ خیر سبب انا شادین نا ابا شادین ء ہرنے اسکول اٹ داخل کنگ کن درے۔ ایڑے ماسٹر صاحب حوال کرے تے و اوکان پد پارے ای نامارانا ٹیٹ اس بلوٹ شادین ء سوچ کریر، انت پاسد؟ شادین پارے کہ ٹیٹ ایتوہ، ولے ہمو کتاب آتے خوانانٹ اوکان مرے، کنا

ٹیٹ۔ ماسٹر صاحب پارے جی نے آن ہموکان ٹیٹ بلیوہ، کتاب اس مون آتے تنخا پارے، واکان خوان۔ شادین خوانگ ء بنا کرے۔ اسکول ناغٹ چنک فریشان مسر کہ دا امر خوانگ ء چا بک۔ ماسٹر صاحب پارے کہ بس جوان ء، نے پکی کلاس اٹی داخل کیوہ۔ انتے کہ نی مُت آن پکی ٹی خوانگ اٹی اس، ناہمو جماعت نے کن جوان ء۔ شادین نا باوہ پارے بس ٹھیک ء، ہمو کتاب آتے خوانے۔ داخلہ بلنگ آن پد شادین نا باوہ ہنا تینا ہوسیال انا اراٹی توں، اسکول چھٹی مس۔ شادین

بس، ہندا اراٹی ہندا اراوالا نامار کوچناس شادین نا عمر انا س، اوخنا شادین ء سوچ کرے، نی ننا اراٹی رہینگ؟ شادین پارے نی دیر آس؟ ہمو پارے ای رحم دل اٹ دا اراٹا ء ہرا بندغ نا ابا تون تولوک ء اوکنا ابا ء۔ شادین پارے تے، او انا انا اراغا بس، ہمو ڈے کنا ابا پارے داناسیال اسے، دادے پاوہ نی ہندا فتا اراٹی رہینگ، و خوان۔ پدا کنا ابا پارے تے، و نا ابا ہیت اٹی راضی مس، و ہمو ہیت انا ج آ اینو کنا ابا کنے ایلیم، داسہ ای ہندا اراٹی

جوان ء ورنڈی ترے۔ نما اگہ کوشت داوڑ برجا مس نما چنک اسد دے اس جوان ء جاگہ اس سرمرور۔ ماسٹر صاحب توار کرے۔ شادین داڑے بر۔ شادین بس، تینا ماسٹر صاحب نا سند آدوتے تھے سلیم۔ ماسٹر صاحب پارے، صاحب! واکمال کنا دا طالب ناء، و ابھاز جہد کار ء چننا سے داخل ہندا نا جہد انا سوب آن مسنو۔

افر کتقا تینا جبب آن بیست روپی تئس پارے دنا انعام ء کنے داہیت ء جنگ آن پد داسد اوہیت ء اسد دے اس نی بھاز بھلو بندغ اس مروں۔ شادین پارے جی سرکنے کنا اولی ا ستاد اوہیت ء پارینے کنے داسکان یات ء، ای ہمو تروک آپنت انا زی ا عمل کرینٹ، وان شاء اللہ اسد دے اس نماغٹ خواجہ غاتا اوہیت آتے زندہ کروٹ۔ افر پارے شاباش کنا مار داسہ نی تینا جاگہ عا توٹ۔ شادین ہنا تینا جاگہ عا توں۔ افر ماسٹر صاحب ء پارے کہ پنت ہندا دے کہ تینا تعلیمی جہد ء ہندا وڑ زندہ تخرے۔ ماسٹر صاحب پارے کہ نی ا ست جم مرک بروک آ وخت نی بس نے ان شاء اللہ واکان مون آ نتیجہ رینگو۔ افر پارے ماسٹر صاحب کنا اوہیت ہندا دے نم جوان ء کار کڑ نشان ترسا کرورے۔ افر بس مس تینا گاڈی ٹی سوار مس ہنا۔ اوکان پد ماسٹر صاحب پدا چنا تیان تران کرسا پارے کہ چنک! خنارے شادین تینا جہد انا سوب آن اخس انعام دوئی کرے۔ و اوڈے افر افر مسرت کرے۔ اگہ نم غٹ شادین نا وڑاٹ جہد کیرے، اسد دے اس ہندن نے افر آک انعام ترور نم شادین نا وڑاٹ جہد کو تینا باوہ لمڈ ڈیہہ و استادنا پین ء روشن کو۔ پدا پارے چنک! داسہ چھٹی نا وخت لے ایتوہ چھٹی کو پگہ ولدا اللہ پاک زندگی اس تئس تینا تعلیمی ادارہ ء مونی دنگ کن برون۔ چنک پاریر جوان ء ماسٹر صاحب، ولدا بش مسرتینا اراتے کن سر بلکر۔ (برجا ء)

## MY SERVICES

- Brochure
- Flyer design
- Social media
- Package design
- Banner design
- Book Cover Design
- Icon design
- Typography
- Photo treatment
- Business card
- Stationary
- Logo design
- Web design
- Poster design
- Buntings Design
- Illustration
- Infographic poster

<https://www.behance.net/hafeezullah01>  
 +923003705655

  
 URANI DESIGNS